

友聲集序

吾友王惜庵先生裒輯其故舊之詩卷之一集屬余為序余崇而讀之集中自江少
白崑江兄弟皆吾邑人且與余中素心之
好而慈雨吏部秋碧明經諱交尤密月
江長余廿餘歲為忘年交少白年相若崑
江少於余鄉之於鄉聚首尊酒論文致
足樂也余今年將五十向之所謂三人者
宿草長封久登鬼錄子弟孤露有蒿中
練裙之悲惜庵嘗感故人愧然歎恤其

篤於友誼如此而又收拾贖稿藏之名山傳
之其人余是以雖重惜廢而嘉其用心之
厚也猶憶丙申入都茲雨款余於宣南寓
齋出其所藏古硯相與欣賞余為賦九
十六硯齋歌又出龔翠巖畫金陵六桂
圖乞余題詠是年四月之三日茲雨占黃
樹齋鴻臚徐詹華太史湯海秋郎中汪
孟慈戶部邀余及潘四農紹元暨海內
之有學者四十有二人為江亭展襖之會
余為叙以紀之四農為詩歌文酒之宴詢

一時之盛也。今忽一六七年，樹齋海秋孟憲，皆遠宦，廬峰四農蒸雨俱已溘逝，獨秋碧老而健在，羈縻一館者，拓表江去，余家三十里許，或經年不得一見，死生契濶之感，聚之甚難而散之甚易，流覽此集，未嘗不愴然於懷也。惜庵本樵李人，徙居宿豫，今海上烽烟不靖，淝江之民焦頭爛額，不忍言矣。惜庵移家而北，故鄉友人豈無中澤哀鴻而慨然發詠者乎？惜庵將續有所輯，列之友琴集中，訪者所以厚人。

倫而正風俗朋友為五倫之一而風俗得失
是又詩人用心之厚區區救世之苦衷余與
惜廢且願獻平夷雅歌拭目以俟太平也
道光二十二年夏六月朔九日山陽丁鳳叙

凡例

一是編始事於嘉慶甲戌告成於咸豐丁巳遠接近訪專主闡幽其力能自顯並其人生存者不與焉

一是編爲先君子手訂卷帙尙多嗣因刻資不給略加刪汰未免滄海遺珠之憾倘獲同志分任其事原本具在可以增選乃大快也

一是編大都因詩以傳其人閒有因人以傳其詩者或以累世深交或以畢生至好雖詩爲餘事亦不忍任其湮沒識者鑒之

一是編首寄籍同邑次隣縣次及故鄉要皆氣求
聲應具有淵源伏處衡茅見聞不廣倘蒙異地同
心博徵惠寄容當續刊

一是編願學齋吟稿蒼水詩鈔因係先君子手
校分冠同邑隣縣之首夢綠詩鈔雖世次較遠屬
以方外仍置卷末

一白醉題襟草堂題贈刊行已久亦友聲之遺也
例得附傳

友聲集總目

鴛湖王 相惜庵輯

男再釀正校刊

錢 垞 春渠宿遷人

願學齋吟稿二卷

陳玉鄰 樾齋

秦晉詩存二卷

陳錦鸞 靈羽

情影軒存稿一卷

卓 洽 青笠

靈石軒存稿一卷

卓筆峰 學山

借園詩存二卷

吳元凱 圃香吳縣人

蒼水詩鈔一卷

徐 稜 應華沐陽人

肩鳳齋存稿二卷

王欽霖 慈雨

待蘭軒存稿二卷

張恂

後改名豐玉步凡清河人

知魚樂齋存稿一卷

盧湧

月江山陽人

蓉湖存稿二卷

李續香

少白

堞影軒存稿四卷

李友香

芷江

紙香書屋存稿一卷

陳長庚

西堂

夢蘭居士存稿一卷

鄭寶

吟香甘泉人

吟香館存稿一卷

汪全泰

大竹儀徵人

鐵盂居士存稿二卷

成文燦

惺齋崇川人

惺齋詩存一卷

成儁

鹽菴

海鷗集存稿一卷

顧槐三

秋碧江甯人

燃松閣存稿二卷

馮金銛 筠涓金壇人

六梅書屋存稿一卷

言啟方 候卿陽湖人

有竹居存稿三卷

周 綵 嬾漁吳縣人

清籟館存稿一卷

曹德馨 孟明餘杭人

鐵硯齋存稿一卷

沈長春 小如吳興人

小如詩存一卷

僧野蠶

夢綠詩鈔一卷

附白醉題襟四卷

草堂題贈一卷

願吟

集

學

齋

願學齋陰藁卷上

錢

塚

字錫光號春渠

登東山迎水寺

夕陽鴻雁唳西風振策巉岩謁梵宮
路入中峯嵐氣重雲低四面畫屏空
孤松斑駁龍形老危構莊嚴象教崇
不惹一塵惟衲子竹鑪烹茗火初紅

與茂如小飲話別

酒杯雖淺意殊深臨別尤須惜寸陰
况是一簾秋色好淡烟濃露晚涼侵

夏夜

竹檻微風至桃笙小坐安
露深花氣重人靜月陰寒
樂不因貧減閒常覺地寬
殷勤奴子意頻語漏將殘

夕次黃州阻風欲登赤壁未果

亂山濃樹隱黃州咫尺征帆阻
石尤壁壘不須爭往跡
有謂孟德軍敗乃嘉魚赤壁見白華論說
文章自足重千秋
蜉蝣天地空臨

眺羽鶴招邀欲夢游
風月依然殊負卻
白蘋江上幾凝眸

登黃鶴樓借竹亭叔靜軒兄坦軒弟

高樓終古白雲鄉
此日悲陵俯八荒
江勢直趨吞漢沔
山形重鎖拒荆襄
烟晴夾岸鶯花滿
日落千帆燈陣忙

我欲乘風便歸去楚天寥濶氣蒼涼

羽衣何處訪瑤京陳跡荒涼百感生一代英雄爭霸業

千秋才子負聲名逝波莫駐騰蛇壽

魏武詩句

芳草空悲鸚

鷓情誰向欄邊三弄笛西風衰柳滿江城

鄉山歸處望迢遙寒角聲中起暮潮江到徐陵楓正冷
雁同衡岳木初凋漫思王粲飄零日毋使元龍意氣銷
迴首白雲天路近三秋鵬翼快扶搖

游劉氏藹園和壁間韻

山坳藏曲榭峯頂插雕欄花隔路疑盡竹遮池更寬林
皋秋藹淨几席暮雲寒間有藏書室幽扉未許彈

憶昔

大江東去日西傾送盡年光感客情
舊雨自從吳地別

新愁欲共楚山平
人同蘭蕙交宜久

謂吳茂如

賦比鯤鳳韻

劇清

謂宋

香阜劫塵叅慧劍

指石塘寺

仙源春色惹流鶯

仙郎

源總關巫峽啼猿恨
莫課衡陽旅雁程
病裏驛梅空兩

度坐來牕月每三更
後期縱矢乘車約
今我借誰載酒

行爲報一言應更羨
近詩題徧鄂王城

道士泐公廨卽景

雲深寒竹院吏散靜
莎廳簾捲秋江白
牕收晚岫青
楓林明夕照
漁火淡遙汀
鄉國歸途遠
征帆望幾經

由道士泐返武昌路登水符寺

小艇依沙宿雲岩躡屐行一村騰犬吠隔岸走江聲梅
月禪關掩松風古鼎烹軟塵浮宦客心跡頓澄清

閨怨迴文與梅坡江村分空拈二韻

風微漾月冷侵簾馥馥鑪香麝盡添紅雨淚傾低袖溼
翠痕梅鎖遠峰尖空幃怯對雙鴛枕短鬢羞窺小鏡奩
中夜一絲情裊裊東牕暗卜墜釵拈

喜竹亭叔自楚北來徐州

灑淚湘江又七年江頭烽火阻魚箋忽從骨肉相思日
來自兵戈遠塞邊共數艱難憐別後旋呼兒女拜庭前

銜杯喜極翻多感一話當時一愴然

三月五日宿遷道上

楊枝蘸碧水拖藍最好風光三月三一帶斜陽停運舶
語音輕脆憶江南

野菊 早開無香本非菊種俗呼野菊

充隱志士羞僞儒君子斥東籬少寒香俗姿空縹碧爲
囊不可滄爲枕無薺澤曲徑曉風清涼階夜月白含情
豈信芳莫誤尋幽客嗟乎盜虛聲取士品宜覈懷此獨
忘言遙思在古昔

鄭曲蚤春分詠三首

咏新水 限安字

天影沉沉鏡影寒東風一到起輕瀾馬陵雲暖融新雪
龍湫烟青失舊灘斜日柳邊人舉網小橋籬畔鴨開欄
大隄處處修防蚤四瀆於今已奠安

咏新柳 限春字

常憶秋風惜別晨寄情消息問難真瘦餘黛綠慵輕染
愁入鷓黃帶淺顰遠夢驚回長笛月歸期望斷小樓人
一痕細認前村路十里風飄燕子春

詠新草 限何字

昨夜微風細雨過曉晴原上碧於波人來小市輕烟動

馬去荒亭落日多在有寸心悲遠志祇餘清夢足高歌
衣香車影東南道一片愁深奈爾何

客邸秋夜

不紅燈閃漏迢迢紙帳初涼第一宵已是客心孤另甚
隔窗風雨更瀟瀟

將南游留別鄭曲六首

一曲將離悵望頻可憐雞犬似相親秫醪醉引攜鋤客
薯蕷香來趁市人地敞夏宜宵待月檐暄冬愛氣常春
殷勤歸約知何日再拂松陰几上塵

逃俗偷焚避蠹芸此中逸少迥超羣多情似我深憐我

可意惟君更惜君玉枕臨書天趣洽瑯嬛成集豔香薰
他時憑眺同游處華子岡頭有暮雲

明月初茲未正團洪波一曲已迴瀾原知分薄皆雞肋
羞說材長較鼠肝雪腕汗蒸愁路遠霜翰風勁覺天寬
含情百種心如結想向斜陽欲語難

紀事含豪費討尋墨池猶淺意殊深平情祇願當其可
自問差無媿此心鳩語折梅原有數鴻飛印雪枉遺音
豪狂莫減書生態陽羨山前足嘯吟

暇豫何心擇苑枯已迷九局失全圖風塵豈爲營三窟
烟景惟堪問五湖歌到離亭聲欲咽爻占介石日將晡

片帆愁向霜前挂一字鴻飛兩岸蘆

三年青鬢坐消磨運得齋頭甕幾何萬事放懷知命蚤
一宵清思結愁多碧烟紅樹蘭陵酒細雨輕帆木瀆波
免俗未能聊畫壁花殘遲我再賡歌

恭和 御製愍忠詩原韻

聖主求民瘼痍瘵廬八方憂虞惟水旱激勸在循良薄
海登仁壽窮檐頌迪康偶逢一隅旨不惜萬倉糧 丹
詔頒稠疊蒼生免徙亡兩淮殷保赤九曲重疏黃大吏
爰陳牘羣工亟上章皆縈 宵旰慮每抱溺飢傷毋使
鄰爲壑須教飽及鄉治隆超禹姒德盛邁堯唐詎有專

牟利而忘必降殃。蠹謀通逆僕。鳩毒泣巫陽。新令纔臨
事。初心尙未忘。不甘奸作狽。頓觸狼如狼。守正軀雖殞。
如生氣益昌。此公真俊傑。吾道有輝光。識定非才拙。持
堅豈色莊。在官能矯矯。成鬼亦堂堂。幸得邀神照。終
令破幻藏。兇全膏斧鑕。孽不漏刀鋌。已盡羅鈔籍。何曾
旣橐囊。慾貪斯法飭。止辟是刑祥。膝下悲崔曙。房中哭
杞梁。人心咸慘惻。家計孰維防。更沐王言摯。重叨
曠典詳。九京如可作。百體亦難償。結草情何已。銜環報
必彰。表忠申巽命。誅慝仰乾綱。四品頭銜貴。千秋
骨殖香。大夫居卽墨。史冊姓名揚。

七夕

脈脈銀河畔橫斜月一鈎不知多少巧送到幾家樓花
影澹含露蟲聲細訴秋開窗遺息燭獨臥看牽牛

寄內

粧臺兩歲竟何如莫把愁心繫客途奉母尙煩籌菽水
教兒曾否識之無征裝怕檢衣多綻明鏡羞窺頰有鬚
新歲記君初度日相期歸去飲屠蘇

孟秋歸里和王惜菴見贈

歲寒心事莫相疑記有盟言訂後期閱歷又經千里道
風霜頻減少年姿歸因屢促期翻悞書喜常來答每遲

今日相望秋水畔布帆未落意先馳

轉睫滄桑事又更歷塵未忘昔時情羞徵客况無長物
喜見新詩壓短檠同里交游誰得意諸郎才調早成名
買山便擬從君住三徑同開待月明

時將卜居

入局偏都負一先招招漫許共登船荷衣耐冷心原熱
護草迎秋色正鮮慚說養無三斗薄枉教書讀十年前
辛勤又送天孫嫁那是浮槎向日邊

時有春明之役

迎春和王惜菴

隔歲相思繞夢魂重來依舊到柴門暖迴紙帳尋無跡
路入平原望有痕小鳥試鳴如得意好花含笑欲承恩

不知能否留青眼，卻借相逢一引鱗。

爲徐春波題海棠蛺蝶帳額

紅雲香粉鬪嬋娟，生趣悠然到目前。好是晝長衙放早，
百花深處小神仙。

暝烟晴日漾輕紈，金屋人猶怯曉寒。祇有春光藏處好，
不須捲起綉簾看。

西施

蘇臺第一受恩殊，爲越何心卻沼吳。試問五湖風月好，
夜來曾夢採蓮無。

虞姬

英雄情重妾情真不負君王不負身
一擡捐軀輕重別
九泉應笑戚夫人

文姬

儂家君父已難容卻有黃金買贖儂
漢地山河胡地月
教儂魂夢孰相從

綠珠

從容就義片時間若論明珠亦等閒
同日可憐雙白首
成名不及一紅顏

植花

松石雖蒼古空庭亦寂寞

齋中有老松叢石

花樹乞園官移根

自外郭非爲十年計聊助三春樂瘠土灌柔條新雨透
紅萼當風自婀娜唵思欣有託誰能挈壺樽相與共斟
酌

歸省後十一月七日將赴雲陽感賦

子舍相依倏五旬辭家又作遠游身轉思前別經三載
將訂後期知幾春漸老風霜青鬢客最多愁慮白頭人
何如負曝茹檐者極樂真爲太古民

鴛鴦 題畫二首

寫出多情若有知征人怕看浴波時從今可入禽經註
能療人間輕別離

金錢花

標來黃紫阿誰家
筆底春生富可誇
寄語世人當着眼
最難把握是空花

古意

故人停梭淚如雨
新人織織上堂廡
顏色相似手爪殊
織素織練誰比數
可憐五都百貨賣
花攄不同君莫恠
鴛鴦顛倒說時興
雲錦七襄空自愛
銀河耿耿望天孫
機軸終年爾亦憊
薰香理鬢何人前
時耶命耶心茫然

觀音山禪堂

出郭西郊行言向禪堂
息迎風陳野花呼茗待
過客僧

自媿應酬我自尋幽寂冷熱反殊途了不從境得大千
世界中各自適所適

宿豫芳渚軒社集用重過何將軍園林五首韻

芳渚

軒在南部外黃運兩河間
關部使者觀梅林所建

喜得同心侶傳來一紙書以文爲雅集招我訪精廬樂

意春鳴鳥天機水躍魚纖塵皆不染人到白雲居

凭欄未覺遲花底晝陰移清梵遙僧舍橫吹穩牧兒野

烟青隱樹新稼綠環陂欲貰前村酒嫣然杏一籬

恰是流觴處剛逢修禊時綠楊烟外郭紅雨畫中詩隨

意童僭冠無煩竹與絲留連情未已再訂後來期

春波去無盡幽意與之長
蔬坼香雲甲茶開穀雨槍
交情同飲水詩味勝持梁
作記誰能手雄文更齋皇

斯游雖一瞬佳話足他年
星聚來千里詞傾湧百泉
好

依楊子宅

謂卓
借園

將問杜陵田於此得終歲
倘徉心曠然

再疊前韻五首

名軒初建日東國走軍書
開府來籌筆臨郊暫結廬
柳陰人浴馬花底鷺窺魚
曾把鏡歌著凝香此燕居

亭枕黃淮曲窗銜舟楫移
秋風恬瓠子春水快吳兒
鳥語晨喧澤漁歌晚入陂
幾行新種樹漸看覆疎籬

且駐皇華節春光正好時
川原尋舊跡烟景共新詩
信

宿鴻遵渚情懷柳漾絲低徊籌繕葺還爲後人期

邑小民風樸時和 聖澤長日華浮地脉星影靜天槍

懸鶴觀賓燕

公時習射

招鴻足稻梁

時賑流民

來游盡熙皞何日

不義皇

偶爾萍潮合題襟集妙年好花香洛社菘竹咏淇泉人
訝開靈境僧誇廣福田他年公秉鉞重至益忻然

自宿豫將赴雲陽

出門動經歲歸家未五旬忽忽治行李又作遠游人母
老體幸健年饑家苦貧殷勤備甘旨瑣屑計鹽薪敝廬
畏風雨薄祚鮮期親操持賴弱婦囑我含悲辛親衰常

思兒何以慰昏晨子幼能讀書何以教立身有弟去寥
落聲名未能振有女年嬋娟冰玉誰締姻以我懷百結
望君志一伸流光如彈丸此別知幾春不恨歸裝遲但
願寄書頻攬衣語未罄又恐堂上詢僕御漸齊飭東風
起征塵雲遠雁聲急烟晴柳色新桑弧四方志去去無
逡巡

觀音粉

甲戌夏秋旱丹陽鄉
民食此以活者衆

三吳魚米鄉不知積饑饉偶歉饑民多何以仰倉廩天
寒地無毛觀音能救苦開山有宿儲非石亦非土如桑
堪下咽問名難考古果然活萬人慈悲佛力普何不早

原 卷 一
二
濟世楊枝灑甘雨或者水旱災堯湯數莫補飢時顆粒
艱飽時狼戾取願語豐年人毋忘此食譜

三月十日寄家書

一鈎新月影纖纖憶爾深閨正下簾魚素恰從天外至
刀環虛向夢中占好將夜課規兒女莫對高堂計米鹽
蔗境晚嘗仍誑汝半生辛苦幾時甜

願學齋陰藁卷下

錢 塚 字錫光號春渠

菊影五首

日中菊影

獨向柴桑步後塵
風前顧影自精神
門開荒徑斜陽淺
夢醒幽窗曙色新
近酒欲扶青鬢客
和烟遙送白衣人
幾迴誤采東籬下
惹得濃陰撲滿身

月下菊影

老圃寒香趁月耘
攜鋤繞徑撥繽紛
一庭露氣團成采
滿地霜痕化作雲
將繞迴廊行屢卻
誤揮空盞酒微醺

夜涼那有穿花蝶石砌苔陰望不分

杜詩庭前有白露暗滿菊花團

水邊菊影

伊人何處水雲邊
洄溯難從望宛然
神到澈清無點俗
樂於至靜得長年
心心相印交同淡
脈脈頻窺瘦欲仙
一朶波浪搖不定
隨風蕩漾總輕圓

燈前菊影

燈前雨細掩柴扉
伴我同心近莫違
幾點烟痕何處入
一宵秋思感人微
移來枕上香偏冷
寫到屏間墨太肥
剛隱黃囊疑壓鬢
朦朧欲睡手頻揮

鏡內菊影

繁星朗朗月中橫別有秋光照眼明佳士風流誰鑒賞
故人肝膽自冰清驚窺白髮盈千縷笑比黃金貯滿簾
與我周旋採晚節對君人視學長生

紀某烈婦

嚴霜顯高松烈風挺勁竹萬物貴本性心死復何惡哀
哉溱洧墟頽風熾桑濮有女貧且貞夫也賤而惡栽花
非竝頭見金圖夜合皤然大腹賈投餌逞輕薄貪夫忍
導淫貞婦驚魂魄皎日誓不聞盛氣威相迫恕焉鮮親
鄰拒之愁孤弱蓬茅咫尺間甕水清可掬倉卒投清漣
聲嘶氣已促盈盈甕中水明明水底月悠悠甕中人皎

皎身不辱窮巷天無光孤鏗鬼自哭
甕飛碧血燐魂慘戴盆覆苦節望旌揚
流香附草木江南二月春游女盈阡陌
娥娥照紅妝纖纖來金屋那知一抔土
貞魂此埋沒豈無楊柳枝青眼且迴矚

病愈簡蘇梅

君愁病肺我病肝同病相憐各自嘆
此生安有百年壽胡爲愁病交摧殘
人曰請禱禱無益又曰求醫醫亦拙
或獲或苓相互投將母以我試其術
醫乃逡巡莫措手祇云不藥可長久
未謀治病且治心如戰勿攻先讖守
我聞此言頓悟矣真與禪機同一旨
從今祇作圓寂觀

千古到頭都若此一心空空冷然善置之無聞又無見
不生歡喜不生愁二豎雖頑無所戀昨宵一夢得安穩
今日神明清且炯告君卻病有奇方先且卻愁當猛省
君問此方靈不靈且問君之卻愁肯未肯

觀芍藥爲主人歌

昔聞廣陵之花天下最何人更作萬花會二十四品多
更奇描摹莫倩劉放繪主人愛客又愛花壺觴招我花
間醉花如解語笑客孤一朶竝頭逞狡獪風流不數趙
家妝豔情欲向魏公句不須祝花爲吉祥祇祝花無風
雨害座客常滿酒不空人生何必圍金帶

檢校雜作藁

秋風短鬢已蕭騷猶愛兒時舊翠翹生怕粉香零落盡
自心珍重自魂銷

田車行

小田桔槔聲邪許大田作勢力齊努白龍戲水銀河翻
百足蟲飛浪花舞幼女提漿老婦炊鼓作金收儼部伍
昨宵明月尙清涼今對炎曦正當午汗揮如雨喘如牛
道旁竊嘆老農苦老農愀然向我言東鄰高地成焦土
有車欲賣爲人傭不得移田近河澍我幸田低下澤通
忍見苗枯遲莫補君不見里胥今早來催糧赫赫砂符

狼如虎

寄題王惜菴秋林聽瀑圖小照

夢入天姥游一覽衆山小飛泉響淙澑灌木陰窸窣此
中大有入白雲望綿渺

灑氣從西來颯颯動林莽撲衣岩翠飛躡履松煙上仙
樂時一鳴清心發妙想

杳靄無人聲蒼涼暮山紫高唸答宮商一洗箏琶耳隔
塵呼不麈空林落松子

我憶嚴陵山枕流入幽壑窮愁羈絆多鄉夢水雲濶招
隱具深情何年能踐約

題王惜菴蛺蝶桃花帳眉

君才宏而毅不數驚蝶飄飄之輕肆君文典而雅不染
金粉纖纖之俗麗圖書彝鼎自名貴筆墨菁華有生氣
胡爲倦游偶到黑甜鄉獨愛穠郁翩翩之寫意將毋舉
世栩栩同一夢也隨傲吏騁遊戲抑毋尋源曲曲見飛
花欲訪仙乎來避地那知君意大不然祇喜太和鼓萬
彙浩浩蕩蕩天華胥游活潑潑地春風醉有時一室薰陶
獨善身有時萬幅大被天下士花飛蝶舞化機行頓翹
各得羣生遂畫工肖物偶然耳吾子與懷別有寄翳予
尺蘂蘭而殫不能奮飛貪瞋睡羯看甲乙風景明試欲

攤書賞清遠

惜菴以桃蜨帳眉屬題越三載余歸始書於幅因
再成二絕時惜菴有安仁之悼

寂寂牀空簟年年春自歸夕陽花影暗何處夢雙飛
觀空情易了化物理自得惟有慧眼人順時適所適

赴鹽城與盥蓀惜菴同舟口占和惜菴韻

天涯孤棹去難停哀樂年來事幾經最是無情淮上水
送人猶作昔年青

海上成連抱古桐來遊卻與素心同扁舟怪底春尤暖
滿載詩人贈好風

詠杏花四首

種杏

山城水郭任棲遲培植芳華好護持
乞得神仙真有骨望他春色到無私
探花蝶繫三生夢繞樹鶯催二月期
幾日東風連夜雨是誰早放最先枝

嫁杏

媒傳燕語太殷勤簾幙春宵欲夢雲
曾否幾年窺宋玉莫教一曲誤文君
暈羞月姊遲臨鏡寒怯風姨爲裏裙
珍重錦衣郎不遠新紅初折酒微醺

賣杏

村前村後路迢迢帶露和烟滿擔挑紅板漲低新夜雨
朱樓夢醒一聲簫風過曲巷香先入簾擲金錢手慢招
卻被窺人雙燕子偷銜一片進疎寮

簪杏

得意春風獨占先玉河三百騎聯翩一肩紅雨沾宮錦
十里朱樓指少年乍戴君恩偏覺重自疑塵世果登仙
尋常妝閣知多少同是花枝總不鮮

登平山堂同盟蓀惜菴

碧螺小研疊烏絲攜上游船各構思但喚清茶不喚酒
盪舟人亦笑書癡

紅梅瞥眼破春痕
籬角牆頭點點存
春到錦城翻不覺
最撩人處是柴門

山山遺墨枕山隈
第一淮東眼界開
好景祇宜山下望
綠烟紅樹隱樓臺

竹影梅痕逕折旋
曾偕仙吏賦雲烟
危亭石磴都零落
老我青衫又廿年

百花吟闕分十二
題同成盞蓀王惜菴
李少白芷江
陸春堂

棗花

榆柳陰中好築居
東家花影接吾廬
篆成碧玉留痕淺

嚼碎殘絨唾纈疎香味甘餘中酒後簾紋烘煖午晴初
不知小蕊開多少射覆誰傳曼倩書

櫻桃花

暖風晴日畫簾前惜別懷人又一年春鬢未銷須盡醉
紅妝迴避莫爭妍香和石蜜蜂先覺網罟金絲柳互牽
記否玉堂清祕處護花鈴繫上欄邊

銀杏花

潛隱山中歲幾經苞符春至早含靈新晴不散林間霧
野望疑留曙後星佛院散花空卽色丹房鍊雪候純青
摩挲老眼休相笑落地微微靜可聽

石榴花

河源萬里幾時通
贈石攜歸織錦紅
欲戰風姨開赤幟
乍閒舞袖壓薰籠
燃藜閣外星流火
化石天邊氣吐虹
一點動人惆悵處
詩情畫意總難工

水仙花

明璫翠羽悄離塵
洛浦湘江有化身
歷劫三生歸淨果
空明一片悟前因
相偕石隱堪成癖
獨抱冰心不愛春
還訝梅仙癡太甚
孤山輕易伴幽人

素馨花

嶺南游蹟憶珠江
十里花田百斛扛
低壓妙鬢雲疊疊

細穿心字縷雙雙
茶清午倦香分鼎
酒醒宵涼月到牕
樺燭不燃龍腦熄
雪球豔照小銀釭

蠟梅花

江南春信尙沉沉
緘札爲誰密密險
惟有高人宜野服
獨占元吉是貞心
妙香靜處栴檀冷
詩意濃時風雪深
底事淡妝偏入道
黃昏烟月渺難尋

萱花

客路驚心憶北堂
暖風偏覺素衣涼
樂非所好焉能強
憂在終身那可忘
淺翠和烟眉結重
輕蕤零露淚痕長
人生都說宜男好
有幾男兒得顯揚

林擒花

月臨花放月纖纖
春暖閒居逸興添
枝颺晚風陰澹遠
香來平野味清甜
似能勸獵嬌含語
可爲如臯笑破嚴
相贈莫吟巫峽句
元輕白俗恐他嫌

荳蔻花

芳情牢鎖爲誰嚴
小膽空房自閉緘
謔說香囊通扣扣
偶窺丹甲露摻摻
蝶能惹恨休頻繞
鶯解憐春忍便銜
何日脂脣餘唾濺
至今分靨染輕衫

玉蕊花

瓊裝玉貌影徘徊
曾向唐昌見幾迴
名士從來矜珮服

仙人多愛住樓臺，烟深院宇清無限。
風引香雲望欲來，一品集中珍貴甚。
祇今誰是鏤冰才。

枇杷花

高枝不畏雪霜嚴，影自婆娑韻自恬。
梅友相招盟晚歲，蠟兒見說愛趨炎。
陰迴溪畔雲千疊，門掩橋邊月一簾。
管領春風誰獨擅，浣花箋上韻頻拈。

揚州與盃菴惜菴話別時，惜菴歸徐盃菴回。
通予赴鹽瀆，分舟阻雨未行，酒闌燭跋各成四律。
惜菴先成，卽用其韻。錄二

君皆歸有日，我獨志偏違。
流水碧無盡，遠山青四圍。
風

塵心暗怯身事計猶非嘆息勞勞者應憐此會稀
更有言無盡相期意若何品流爭上乘風雅特餘波攻
錯交情重名山著述多他時同獻賦韶護待笙歌

自樵蘇鎮渡邵伯湖

小市集樵蘇衝波入巨湖浪憑風作勢舟與客同孤腥
氣魚吹沫喧聲鴨喚雛依稀望前港紅袖正當壚

江南好

江南好人到江南多技巧巧者何如拙者誠誠有真心
可相保江南樂人到江南衣食足足者土沃易生淫何
如瘠土勤能樸還真返樸民自醇古有善教今何人珠

璣錦組去其甚名節廉耻防其心不幸辟其辟母爲婦
人仁婦人之仁難化民

春堂於午日招飲余以齋期不赴少白芷江春堂
疊韻見柬因奉酬原韻

巧鬪心花織錦痕盪薇百諷異香存雲生巫峽遙分岫
路轉山陰別有村我逐緇塵難免俗君留青眼盼迎門
漫疑避戰先逃席祇畏筵前金谷樽

花影千叢水一痕縱多凡豔匪思存棘人怕說逢佳節
蒲酒慵傾憶故村久滯征帆梅送雨空撩吟興客呼門
太常本是清齋慣况有新愁懶舉樽

明珠無類玉無痕
器識文章各備存
汲古淵源搜海嶽
懷人雲樹隔江村
名從入洛呼才子
士喜登龍過匠門
他日錦標雙奪得
遲予重至壘開樽

懷盥蓀再用前韻

衣漬揚州舊酒痕
黯然惜別句猶存
青山供寫圖中景
綠畝新開郭外村
獨抱古心盟石友
相期聯步謁金門
多因靜養搏風翮
閒卻淮南白玉樽

懷惜菴用前韻

莫向蘭闥拭淚痕
天懷曠處樂俱存
幾枝筆供新荷葉
萬卷書藏老樹村
有子傳經誇蠟鳳
阿誰問字款柴門

遙知酒進延年日也說羈人可引樽

將之吳門書懷仍用前韻

卅年吟鬢染霜痕西抹東塗嬾失存風鷁已迴霄漢翻
江鴻猶戀稻梁村平潮帶雨浮沙岸歸夢連宵到里門
何日麤酬身世了清流白石泛窪樽

宣和御筆山茶圖臨本爲惜菴賦

山像餘杭屋仿吳

築萬歲山像餘杭鳳皇山
作苑圖皆仿江浙爲白屋爲求別趣

費描摹分明都是南遷識畫出偏安一幅圖此圖貌得
曼陀羅華确枯根古斷柯旁出天枝能作態頂砂紅廳
怯風多一木支持情艱脆葉不庇根根露骨舊印模糊

故人慷慨勸歸家爲數貧居樂事餘雪浪鯉魚芒稻米
臧園新栗霍山茶窗前課子文成幅方外譚禪語不譁
但得長生貧亦好病中何事駐天涯

七月十二日喜晴口號

積雨連三月今朝天放晴人如初出蟄眼似頓開盲烟
直去無蹟鳥飛高有聲家家晒霉污滿巷豎衣桁

朱竹

海東日出凌扶桑海西倒影珊瑚長擎雲作勢火龍尾
空中天矯生輝煌此君老去更奇健移得全家居絳縣
眼見阿孫齊著緋顏如渥丹常不變風雨時招赤鳳來

洞天直使丹砂賤我思雕鏤作彤管閣中春映紫泥暖
五花制勅丹書成藜火不燃夜光滿

十月初十日驟寒憶兒輩偶吟

失母心常戚經冬衣正單乍逢今夕冷可憶去年寒

去年

十月初十夜孱弱懸情切關河得信難幾時能慰願看

仁室病初發
爾聚團團

女孝兼家督兒愚恐業荒握苗終不長有麝自生香須
記從師日頻迴阿母腸九原猶盼爾清夜可思量

願學齋吟藁補遺

錢 採 字錫光號春渠

送吳茂如之皖

秋高鴻雁獨翱翔自有平田足稻粱一紙家書封遠志
半肩行李入斜陽孤帆風雨潮驚夢舊館琴樽月滿梁
祇剩集中留別句一番咀味一迴腸

楚俗五日水嬉最盛今使者禁之因登山見黃鶴
樓游人喧集紀事一首

令節新將舊俗刪落梅江影自閒閒三閭恨事空流水
五日游人獨看山樓閣烟飄金粉氣綺羅香繞碧雲鸞

從知漢上繁華甚不數胥臺虎阜間

夏日袁浦客館思歸

袁公浦上駐經年淮水湯湯逝不旋澤國鶯花增客思
柳堤風雨動秋烟眼中無處尋枚叔胯下何妨屈少年
昨夜悄然歸夢濶愁心飛渡大河邊

壬戌浦上春日畬友

鶯聲啞啞柳枝斜如此風光感物華十載無名仍故我
一春有夢不離家流堪被禊客中酒雨到清明天養花
淪落青衫已多恨江頭莫更聽琵琶

乙丑正歲客中作

慈闈愛爾掌中珠不道無成歲月徂膝下卅年期望切
十分慰得一分無

養志何能養體難盤匝那得總承歡懸知今夕屠蘇酒
白髮偏愁客館寒

南衡旅雁怯風驕困羽襜褕隻影遙何日連牀聽風雨
一迴書去一魂銷

千里封題寄遠音客窗燈地夜沉沉歸鴻難盡傳心事
祇報平安兩字金

題汪襄屏西湖尋夢圖

圖爲悼亡作

春色微茫水自流孤舟載得一帆愁不堪酒冷香銷處

願學齋吟藁

補遺

二

獨看鴛鴦水上浮

當年疑夢又疑仙莫補今生未了緣聞說蓬山真可接
夢中好認路三千

青梅如豆柳堪攀曾是停舟第幾灣正覺衾寒難入夢
偏教路轉入孤山

湖心亭外子規啼斷夢驚回意轉迷忽地一雙飛蝶去
桃花影裏夕陽低

疾愈

甘言比於痰美味多作疾君子防未然跬步恐有失我
躬占臨卦八月每不吉肌削帶垂餘藥進方成帙迴思

綺歲初英英曜瑋質未秋蒲柳零良少衛生術于焉思
補牢守素而抱一讀經慎所三節情防其七詩書頌長
生豈云芝與朮

瓶菊

祇合蕭疎野外尋緣何束縛影沉沉一杯縱飲廉泉水
三徑常懷夜月陰淡本忘言非守口清堪照膽孰同心
金屏自煖花偏冷風雨隔簾秋意深

廣陵買書歌爲惜菴賦

綠楊烟雨蕪城道人說尋春春正早惟有迂生結習殊
花香不若書香好廣陵藝苑籤軸多五都市上勤搜羅

玲瓏山與唐文館數萬名手相鐫磨舊書更較新書勝
當日收藏誇照乘金襴玉罽幾裝潢豕誤魚訛費考證
可憐輾轉作書賈向人便把家珍數賣花人是種花人
能熟花名記花譜有人跨鶴不成仙只爲書癡念未蠲
欲開石室尋丹篆又向昆岡乞玉田手把瑯環五千卷
心自怦怦目自眩夏鼎商彝寶莫名神昏力惰情猶戀
此時書賈亦大樂知希誠貴解難索張皇北宋澄心堂
指點前朝汲古閣更誇昭代聚英靈四庫圖書燦日
星殿板監工勤勒校聚珍銅字發新硯快哉王郎色
飛舞不舍竹青舍阿堵拌卻鶯花一笑錢換得金絲五

雜俎籤題別處認縹緗甲乙分來嚴部伍移花分付種
莫訛修月丁寧缺還補笑君癡處處癡有情對此婆抄日
三五幾宵歌吹竹西聞何處新妝鬪眉嫵

嗚呼此春渠遺詩也余編次之不自知其淚溢行間
欲輟者屢矣不忍置終爲編次之如此君爲吾姑之
子幼岐嶷先父母絕愛憐之妻以長女君隨尊甫宦
楚中有年銜卹歸余時八齡相見於家塾各驚視久
之遂相攬袂依依也自是以中表過從情若同胞曩
季余肄業怠君面規之臨池荒君誘掖之初學爲詩
君爲講求旨趣蓋兄事而兼師事者也君思自奮功
名又家貧爲負米計每橐筆遠遊動經數歲書問往
還不忘勗勉余年十七趨庭鄭曲與君偕者三載因
得肆力於詩事少間卽就君共吟空村風雨一燈如

豆常至午夜不寢君律細思深或摳衣作蟻旋或倚枕若寐已而奮筆疾書必有佳句相示嗣是君就聘雲陽又數載不得歸余以姑年近八旬缺定省數移書切諫之君亦更相引重君雖勵志進取然卒無所就會丁母憂歸哀毀骨立遂咯血逾年一弟又喪再逾年余伯姊溘逝而君亦心神交瘁竟至不起矣是時余奉先君諱涉事多艱君已示疾猶手書慰問勉以存厚懃懃然以承業保大相期而孰知此訣遂成千古耶嗚呼君敏而好學其文章足以華國其經濟足以蒞事願賚志以沒天生斯人而今僅以詩傳

乎君身後童牙孤露後死者之責也余思所以竟君之志而告君九京者固當有在又豈僅傳其詩已乎然事與心違是有天也非人也獨念余與君相規相勗斲至於古人之道死者復生能無自愧平昔之意乎雖然余所得爲者君之靈實憑式之而余學殖日落思曩者戒勉之詞渺不可得聞矣余於是編不惟存君之詩亦欲置我案頭常對嚴師益友然而感觸舊游又不禁淚涔涔下矣緬懷今昔欲述不能竟其詞云

戊子孟夏月惜菴王相并書